

水經注卷十九



漢 桑 欽 撰

後魏 酈 道元 注

渭水下

渭水又東過槐里縣南又東澇水從南來注之

渭水逕縣之故城南漢書集註李奇謂之小槐里  
之西城也又東與芒水枝流合水受芒水於竹圃

東北流又屈而入于渭 宋本作又屈  
西北入于渭

渭水又東北逕黃山宮南

水經注



卷十九

一

卽地理志所謂縣有黃山宮惠帝三年起者也東  
方朔傳曰武帝微行西至黃山宮故世謂之遊城  
非也

就水注之

水出南山就谷北逕大陵西世謂之老子陵昔李  
耳爲周柱史以世衰入戎於此有冢事非經證然  
莊周著書云老聃死秦失弔之三號而出是非不  
死之言人稟五行之精氣陰陽有終變亦無不化  
之理以是推之或復如傳古人許以傳疑故兩存

云陰陽認  
有終開最  
之眼

耳就水歷圃北與黑水合孫云圃字疑上承三泉

就水之右三泉奇發言歸一瀆北流左逕就水就

水又北流注于渭

渭水又東合田谿水

水出南山田谷北流長楊宮西又北逕螯屋縣故

城西又東北與一水合水上承螯屋南南泉北逕

其縣東又北逕思鄉城西又北注田谿田谿水又

北流注于渭水也縣苑謝云當有蒙龍源上承渭

水於郿縣東逕武功縣為成林源東逕縣苑亦曰

水經注 卷十九 二

靈軹源河渠以引堵水徐廣曰一作諸水是也

渭水又東逕槐里縣故城南

縣古犬丘邑也周赧王都之秦以為廢丘帝王世

注本並云懿王自鎬徙都犬丘是也亦曰舒丘和平

元年桓帝封左中郎將皇甫嵩為侯國縣南對渭

水北背通渠史記秦本紀云秦武王三年渭水赤

三日秦昭王三十四年渭水又大赤三日洪範五

行傳云赤者火色也水盡赤以火沴水也渭水秦

大川也陰陽亂秦用嚴刑敗亂之象後項羽入秦

譚如云  
苑字當

北恐苑或  
其地名

封司馬欣爲塞王都櫟一陽董翳爲翟王都高奴章  
邯爲雍王都廢丘居槐里謝云居槐里爲三秦漢

祖北定三秦引水灌城遂滅章邯三年改曰槐里

王莽更名槐治也世謂之爲大槐里晉太康中始

平郡治也其城遞帶防陸舊渠尚存卽漢書所謂

槐里環隄者也東有涌水宋本作出南山赤谷東

北流逕長楊宮東宮有長楊樹因以爲名渭水宋本

水作漏又北逕葦園西亦謂之仙澤又北逕望仙宮

又東北耿谷水注之水發南山耿谷北流與柳泉

水經注

卷十九

三

合東北逕五柞宮相去八里並以樹名宮亦由陶

氏以五柳立稱故張晏曰宮有五柞樹在盩厔縣

西一作其水北逕仙澤東北又逕望仙宮東又北

與赤水會又北逕思鄉城東又北注渭水

渭水又東合甘水

水出南山甘谷北逕秦文王萇陽宮西又北逕五

柞宮東又北逕甘亭西在水東鄠縣昔夏啟伐有

扈作誓於是亭故馬融曰有扈甘南一作郊地名

也甘水又東得澇水口水出南山澇谷北逕漢宜

春觀又東北逕鄠縣故城西澇水際城北出合漢古本陂水水出宜春觀北東北流注澇水北流入

于渭卽上林故地也東方朔稱武帝建元中微行

北至池陽西至黃山南獵長楊東遊宜春夜漏十

刻乃出於外於外宋本中常侍武騎待詔及隴西

北地良家子能騎射者期諸殿下故有期門之號

旦明入山下馳射鹿豕狐兔手格熊羆上大驩樂

之上仍使太中大夫虞丘壽王虞古字卽通與待詔能

用竿者舉措漢書作舉簿籍謂也阿城以南盤屋

水經注

卷十九

四

以東宜春以西提封頃畝及其賈宜漢書作賈直屬之

南山以爲上林苑東方朔諫秦起阿房而天下亂

因陳泰階六符之事上乃拜太中大夫給事中賜

黃金百斤卒起上林苑故相如請爲天子遊獵之

賦稱烏有先生亡是公而奏上林也

又東豐水從南來注之

他說云渭水又東與豐水會于短陰山內水會無

他高山異巒所有唯原阜石激而已水上舊有便

門橋與便門對直武帝建武三年造張昌曰橋在

長安西北茂陵東如淳曰去長安四十里渭水又  
逕太公廟北前有太公碑文字褫缺今無可尋  
渭水又東北與鎬水合

水上承鎬池於昆明池北周武王之所都也故詩  
云考卜維王宅是鎬京維龜正之武王成之自漢  
帝穿昆明池於是地基構淪褫今無可究春秋後  
傳曰使者鄭容入柏谷關至平舒置見華山有素  
車白馬問鄭容安之荅曰之咸陽過鎬池曰吾華  
山君使願託書致鄙池君子之咸陽過鎬池見大

水經注

卷十九

五

梓下有文石取以欸扣梓當有應者以書與之勿  
妄發致之得所欲鄭容行至鄙池見一梓下果有  
文石取以欸梓應曰諾鄭容如睡覺而見宮闕若  
王者之居焉謁者出受書入又見頃聞語聲言祖  
龍死神道茫昧理難辨測故無以精其幽致矣鄙  
水又北流西北注與滌池合水出鄙池西而北流  
入于鄙毛詩云滌流浪也而世傳以爲水名矣鄭  
玄曰豐鎬之間水北流也鎬水北逕漢靈臺西又  
逕磁石門西門在阿房前悉以磁石爲之故專其

譚云嘆慨指  
□無多語却  
□分警動

目合疑作四夷朝者有隱甲懷刃入門而脅之以  
示神故亦曰却胡門也鎬水又北逕于渭渭水北  
有杜郵亭去咸陽十七里今名孝里亭中有白起  
祠嗟乎有制勝之功慙尹商之仁是地即其伏劔  
處也

渭水又東北逕渭城南

文穎以為故咸陽矣秦孝公之所居離宮也獻公  
都櫟陽天雨金周太史儋見獻公曰周故與秦國  
合而別別五百歲復合合七十歲而霸王出至孝

水經注

卷十九

六

公作咸陽築冀闕而徙都之故西京賦曰秦里其  
霸寔為咸陽也西京賦作秦地居其朔薛綜注云里居

太史公曰長安故咸陽也漢高帝更名新城武帝  
元鼎三年別為渭城在長安西北渭水之陽王莽  
之京城也始隸扶風後并長安

而沈水注之

其水上承皇子陂於樊川其地即杜之樊鄉也漢  
祖至櫟陽以將軍樊噲灌廢丘最賜邑於此鄉也  
其水西北流注杜縣之杜京西西北流逕杜伯冢

譚云諸載不  
同俱可以證  
報

南杜伯與其友左儒仕宣王儒無罪見害杜伯死

之終能報恨於宣王故成公子安五言詩曰誰謂

鬼無知杜伯射宣王于國鄙語云周之衰也杜伯射王

杜伯而白馬朱衣後三年王合諸侯田於殪著之日周

伯春秋以不為警汲豕反語云宣王之妾伯于焦杜伯

殺之友後三年而杜伯射王沈水又西北逕下杜城

即杜伯國也沈水又西北支合故渠渠有二流上

承交水合於高陽原而北逕河池陂東而北注沈

水沈水又北與昆明故池會又北逕秦通六基東

水經注

卷十九

七

又北逕竭水陂東又北得陂承其陂東北流入于

沈水沈水又北逕長安城西與昆明池水合水上

承池於昆明臺故王仲都所居也桓譚新論稱元

帝被病廣求方士漢中送道士王仲都詔問所能

對曰能忍寒暑乃以昆明池上環冰而馳御者厚

衣狐裘寒戰而仲都獨無變色卧於池臺上曛然

自若夏大暑日使曝坐環以十爐火不言熱又身

不汗池水北逕鎬京東秦阿房宮西史記曰秦始

皇三十五年以咸陽之入多先王之宮小乃作朝

宮於渭南亦曰阿城也始皇先作前殿阿房宋本

字可坐萬人下可建五丈旗周馳為閣道自殿直

抵城南山表山巔為闕為複道自阿房度渭屬之

咸陽象天極閣道絕漢抵營室也關中記曰阿房

殿在長安四南二十里殿東西千步南北三石步

庭中受十萬人其水又屈而逕其北東北流注竭

水陂陂水北出逕漢武帝建章宮東於鳳闕南東

注沈水又北逕鳳闕東三輔黃圖曰建章宮漢武

帝造周二十餘里千門萬戶其東鳳闕高七丈五

水經注 卷十九 八

譚云又尺之  
異疊別便口

尺俗言真女樓非也漢武帝故事云闕高二十丈

闕中記曰建章宮圓闕臨北道有金鳳在闕上高

丈餘故號鳳闕也宋本有繁欽建章鳳樓闕賦曰

秦漢規模廓然毀泯唯建章鳳闕巋然獨存雖非

象魏之制亦一代之巨觀也沈水又北分為二水

一水東北流一水北逕神明臺東傳子宮室曰上

於建章中作神明臺井幹樓咸高五十餘丈皆作

懸閣輦道相屬焉三輔黃圖曰神明臺在建章宮

中上有九室今人謂之九子臺而實非也沈水又

逕漸臺東漢武故事曰建章宮北有太液池池中有漸臺三十丈漸浸也爲池水所漸一說星名也

晉天文志漸臺四星在織女東南臨水之臺也南有壁門三層高三十餘

丈中殿十二間階陛咸以玉爲之鑄銅鳳五丈飾

以黃金樓屋上椽首薄以玉璧因曰璧玉門也沈

水又北流注渭亦謂是水爲潏水也故呂忱曰潏

水出杜陵縣漢書音義曰潏水聲而非水也亦曰

高都水前漢之末五侯王氏大治池沼引它水宋本

都作高入長安城故百姓歌之曰五侯初起曲陽

水經注 卷十九 九

最怒壞決高都竟連五杜上山漢書作漸臺像西

白虎即是水也

又東過長安縣北

渭水東分爲二水廣雅曰水自渭出爲渠其由河

之有雍也此瀆東北流逕魏雍州刺史郭淮碑南

又東南合一水逕兩石人北秦始皇造橋鐵鑿重

不勝故刻石作力士孟賁等像以祭之鑿乃可移

動也又東逕陽侯祠北漲輒祠之此神能爲大波

故配食河伯也後人以爲鄧艾祠悲哉讒勝道消

譚云此亦陽侯矣

□□胥□爲  
□□□□□

有如此水輒  
喚奈向文人  
□□觸處欲  
見

譚云與始皇  
海中作石橋  
事同何醜神  
之多也

□云燕太子  
□□處有脫

專忠二字宜出

專忠受害矣。渭水又東注此水。水上有梁，謂之渭橋。秦制也。亦曰便門橋。秦始皇作離宮於渭水南，北以象天宮。故三輔黃圖曰：渭水貫都，以象天漢。橫橋南度，以法牽牛。橋廣六丈，南北二百八十步，六十八間，七百五十柱，一百二十二梁。橋之南北有隄，激立石柱。柱南京兆立之，柱北馮翊立之。有令丞各領徒一千五百人。橋之北首壘石水中，故謂之石柱橋也。舊有忖留神像，此神嘗與魯班語。班令其人宋本作神出忖留曰：我貌獯醜古本作醜，卿善水。經注：卷十九 十

圖物容我不能出。班於是拱手與言曰：出頭見我，忖留乃出首。班於是以脚畫地，忖留覺之，便還沒水。故置其像於水唯背。以上立水上，後董卓入關，遂焚此橋。魏武帝遂更修之，橋三丈六尺，忖留之像。曹公乘馬見之，驚又命下之。燕丹子曰：燕太子丹質於秦，秦王遇之無禮，乃求歸。秦王為機發之，橋欲以陷丹。丹過之，橋不為發。又一說交龍捧輦而機不發，但言疑有脫誤，今不知其故處也。

渭水又東與沈水枝津合。

水上承沈水東北流逕鄧艾祠南又東分爲二水  
一水東入逍遙園注藕池池中有臺觀蓮荷被浦  
秀實可翫其一水北流于渭

渭水又逕長安城北

漢惠帝元年築六年成卽咸陽也秦離宮無城故  
城之王莽更名長安十二門東出北頭第一門本  
名宣平門王莽更名春王門正月亭亦曰東城門  
其郭門亦曰東都門卽逢萌挂冠處也第二門本  
名清明門一口凱門王莽更曰宣德門布恩亭內

水經注

卷十九

十一

有藉田倉亦曰藉田門第三門本名霸城門王莽  
更名仁壽門無疆亭民見門色青又名青城門或  
曰青綺門亦曰青門門外舊出佳瓜一作好瓜昔廣陵  
人邵平爲秦東陵侯秦破爲布衣種瓜此門瓜美  
故世謂之東陵瓜是以阮藉詠懷詩云昔聞東陵  
瓜近在青門外連畛拒阡陌子母相鈎帶指謂此  
門也南出東頭第一門本名覆盎門王莽更名永  
清門長茂亭其南有下杜城應劭曰故杜陵之下  
聚落也故曰下杜門又曰端門北對長樂宮第二

譚云春王正  
□以名門亭  
亦典亦蠹

朱云歷數長  
□十二門是  
□□典故而  
□致□□然

譚云王莽偏  
好多事

朱云叙長安  
諸門中忽插  
入其水北入  
四字覺十二

門門門水光  
矣筆意奇絕

門本名安門亦曰鼎路門王莽更名光禮門顯樂	亭即西安亭北對未央宮第三門本名平門王莽	更名信平門城正亭西出南頭第一門本名章門	王莽更名萬秋門億年亭亦曰光畢門也 <small>宋本畢作</small>	又曰便門第二門本名直門王莽更名直道門端	路亭故龍樓門也張晏曰門樓有銅龍三輔黃圖	曰長安西出第二門即此門也第三門本名西城	門亦曰雍門王莽更名章義門著誼亭其水北入	有函里氏名曰函里門又曰光門亦曰突門北出	水經注  卷十九 十二	西頭第一門本名橫門王莽更名霸都門左幽亭	如淳曰音光故曰光門其外郭有都門有棘門徐	廣曰棘門在渭北孟康曰在長安北秦時宮門也	如淳曰三輔黃圖曰棘門在橫門外按漢書徐厲	軍於此備匈奴又有通門亥門也其第二門本名	洛門又曰朝門王莽更名建子門廣世亭一曰高	門蘇林曰高門長安城北門也 <small>按此間叙長安後十</small>	<small>繼以厨門杜門舊本一曰厨門其内有長安厨官</small> 脫誤以鄭縣注續此	在事故城曰厨門也如淳曰今名廣門也第三門
---------------------	---------------------	---------------------	--------------------------------------	---------------------	---------------------	---------------------	---------------------	---------------------	--	---------------------	---------------------	---------------------	---------------------	---------------------	---------------------	--------------------------------------	--	---------------------

譚云王莽名槩用美好  
酈注於一部  
中處處標出  
非引重待稽  
政見其更制  
紛紜無學無  
識盡大地皆  
寫出忌諱奸  
鄙之情足貽  
千古之笑

本名杜門亦曰利城門王莽更名進和門臨水亭  
其水有客舍故名曰客舍門又曰洛門也凡此諸  
門皆通達九達三途洞開隱以金椎周以林木左  
出右入爲徒之經一作爲徑行者升降有上下之  
別漢成帝之爲太子元帝嘗急召之太子出龍樓  
門不敢絕馳道西至直城門方乃得度上怪遲問  
其故以狀對上悅乃著令令太子得絕馳道也渭  
水東合昆明故渠渠上承昆明池東口東逕河池  
北亦曰女觀陂又東合沈水亦曰漕渠又東逕長

水經注

卷十九

十三

安縣南東逕明堂南舊引水爲辟雍處在縣宋本無縣

字鼎路門東南七里其制上圓下方九宮十二室

四嚮五色堂北三百步有靈臺是漢平帝永始四  
年立渠南有漢故圓丘成帝建始二年罷雍五畤  
始祀皇天上帝於長安南郊應劭曰天郊在長安  
南卽此也故渠之北有白亭博望苑漢武帝爲太  
子立使通賓客從所好也太子巫蠱事發斫杜門  
東出史良娣死葬於苑北宣帝以爲戾園以倡優  
千人口思口園廟故亦曰千鄉故渠又東而北屈

逕青門外與沈水枝渠會渠上承沈水於章門西  
飛渠引水入城東爲倉池池在未央宮西池中有  
漸臺漢兵起王莽死於此臺又東逕未央宮北高  
祖在關東令蕭何成未央宮何斬龍首山而營之  
山長六十餘里頭於渭尾達樊川頭高二十丈尾  
漸下高五六丈上色赤而堅云昔有黑龍從南山  
出飲渭水其行道因山成跡山卽基闕不假築高  
出長安城北有玄武闕卽北闕也東有蒼龍闕闕  
內有閶闔公車諸門玉公車古本作正車未央殿東

水經注

卷十九

十四

有宣室玉堂麒麟含章白虎鳳皇朱雀鵷鸞昭陽  
諸殿天祿石渠麒麟三閣未央宮北玉海卽桂宮  
也周十餘里內有明光殿走狗臺栢梁臺舊乘複  
道用相逕通故張衡西京賦曰鈞陳之外閣有一本  
作穹窿玉海有長樂與明光逕北通于桂宮故渠  
出二宮之間謂之明渠也又東歷武庫北舊樗里  
子葬於此樗里子名疾秦惠王異母弟也滑稽多  
智秦人號曰智囊葬於昭王廟西渭南陰鄉樗里  
故俗謂之樗里子云我百歲後是有天子之宮夾

我墓穴以昭王七年卒葬于渭南章臺東至漢長樂宮在其東未央宮在其西武庫直其墓秦人嘑曰力則任鄙智則樗里子也子疑作是宋本無子字明渠又東逕漢高祖長樂宮北本秦之長樂宮也周二十里殿前列銅人殿西有長信長秋永壽永昌諸殿殿之東北有池池北有層臺俗謂是池爲酒池非也故渠北有樓漢京兆尹司馬文預碑故渠又東出城分爲二渠卽漢書所謂王渠者也蘇林曰王宮家渠也猶今御溝矣晉灼曰渠名也在城東霸

水經注

卷十九

十五

門外一水逕楊橋下卽青門橋也側城北逕鄧艾祠西而北注渭今無水其一渠東逕奉明縣廣城鄉之廣明苑南史皇孫及王夫人葬於郭北宣帝遷苑南史王孫及王夫人卜以爲悼園益園民千六百家立奉明縣以奉二園園在東都門昌邑王賀自霸御法駕郎中令龔遂驂乘至廣明東都門是也故渠東北逕漢太尉夏侯嬰冢西葬曰柩馬悲鳴輕車罔進下得石槨銘云于嗟滕公居此室故遂葬焉冢在城東八里飲馬橋南四里故時人

謂之馬冢。字埴。按此舊是本矣。脫復誤。吳以瑄移水遂葬焉。馬二十

之後錯簡如初。今改正。如

又東過鄭縣北

渭水又東逕巒都城。北故蕃邑。殷契之所居。世本

曰契居蕃。闕駟曰蕃在鄭西。然則今巒城是矣。俗

名之赤城水曰赤水。非也。苻健入秦。據此城以亢

杜。洪小赤水即山海經之灌水也。水出石脆之山

北。逕蕭加谷。於孤相原。西東北流。與愚水合。出英

山。北流。與招水愚招音相得水亂流。西北注

水經注

卷十九

十六

于灌。灌水又北注于渭。此後皆叙鄭縣事。又逕觀

愚之山。北流入于渭。觀愚符禺渭水又東西石橋

水南出馬嶺山。積石據其東。麗山距其西。源泉上

通懸流。數十丈。舊本無與華岳同體。其水北逕鄭

城西。水上有橋。橋雖崩。禡舊跡猶存。東去鄭城十

里。故世以橋名水也。而北流注于渭。闕駟謂之新

鄭水。渭水又東逕鄭縣故城北。史記秦武公十年

縣之桓公。宋桓本作友之故邑也。漢書薛瓚注言周

自穆王已下。都於西鄭。不得以封桓公也。幽王既

譚云無文字  
佳  
朱云懸流與  
華岳同體如  
何看出中有  
至口

敗虢儉

國語作鄆

又滅遷居其地國于鄭父之丘是爲

鄭桓公無封京兆之文余按遷史記考春秋國語世本言周宣王二十二年封庶弟友於鄭又春秋國語並言桓公爲周司徒以王室將亂謀於史伯而寄帑與賄於虢儉之間幽王卒於戲鄭桓公死之平丁東遷鄭武公輔王室滅虢儉而兼其土故周桓公言於王曰我周之東遷晉鄭是依及遷封於彼左傳隱公十一年鄭伯使公孫獲使謂一曰吾先君新邑於此其能與許爭乎是其指新鄭爲言

水經注

卷十九

十七

矣然班固應劭鄭玄皇甫謐裴頠王隱闕駟及諸述作者咸以西鄭爲友之始封也賢於薛瓚之單說也無宜違正經而從逸錄矣赤眉樊崇於鄭北設壇祀城陽景工而尊右校卒史劉俠卿牧牛兒盆子爲帝年十五被髮徒跣爲具絳單衣半頭赤幘直綦履顧見衆人拜恐畏欲啼號年建世後月餘乘白蓋小車與崇及尚書一人相隨向鄭北渡渭水卽此處也城南山北有五部神廟東南向華岳廟前有碑後漢光和四年鄭縣令河東裴畢字

君先立蘇林曰戲邑名在新豐東南宋本云在三

十里孟康曰乃水名也今戲亭是也昔周幽王悅

褒姒姒不笑王乃擊鼓舉烽以徵諸侯至無寇褒

姒乃笑王甚悅之及犬戎至王又舉烽以徵諸侯

諸侯不至遂敗幽王於戲水之上身死於麗山之

北故國語曰幽滅者也漢成帝建始二年造延陵

為初陵以為非霸曲亭南更營之鴻嘉元年於新

豐戲鄉為昌陵縣以奉初陵永始元年詔以昌陵

畢下客土疎惡不可為萬歲居其罷陵作令吏民

水經注 卷十九 十八

反故徙將作大匠解延年燉煌關中記曰昌陵在

霸城東二十里取土東山與粟同價所費巨萬積

年無成即此處也戲水又北分為二水並注渭水

渭水又東泠水入焉水南出肺浮山得肺義蓋麗山連麓

而異名也北會三川統歸三壑歷陰槃新豐兩原

之間北流注于渭渭水又東首水南倒虎山南一作

西總五水單流注逕秦步高宮東世名立市城歷

新豐原東而北逕步壽宮口又北入渭渭水又東

得西陽水又東得東陽水並南出廣鄉原北垂俱

譚云擲所餘則金賤如土徵所之則上價同粟物豈右定哉

譚云人但知用告成不知用告平

譚云返璧不古之語世多  
口之不覺如  
宋鑑為口盤  
口蔡不博之  
口心諱反少  
口年文字也

北入渭渭水又東與石橋永會故沈水也水南出  
馬嶺山北流逕武平城東按地理志左馮翊有武  
城縣王莽之桓城也石橋水又逕鄭城東水有故  
石梁述征記曰鄭城東十四里各有石梁者也又  
北逕沈城北漢書地理志左馮翊有沈陽縣王莽  
更之曰制昌也蓋藉水以取稱矣渭水又東敷水  
注之水南出石山之敷谷北逕告平城東耆舊所  
傳言武王伐紂告太平於此故城得厥名非所詳  
也敷水又北逕集靈宮西地理志曰華陰縣有集  
水經注

卷十九

十九

靈宮武帝起故張昶華嶽碑稱漢武慕其靈築宮  
在其後而北流注于渭渭水又東餘水餘上疑  
脫良字注  
之水南出良餘山之陰北流入于渭俗謂之宣水  
也渭水又東合黃酸之水世名之為于渠水水南  
出升山北流注于渭渭水又東逕平舒城北城側  
枕渭濱半破淪水南面通衢昔秦始皇之將亡也  
江神素車白馬道華山下返璧於華陰平舒道曰  
為遺鎬池君使者致之乃二十八年度注所沈璧  
也即江神返璧處也渭水之陽即懷德縣界也城

在渭水之北池宋本作沙苑之南卽懷德縣故城也世謂之高陽城非矣地理志曰禹貢北條荆山在南山下有荆渠卽夏后鑄九鼎處也王莽更縣曰德驩渭水又東逕長城北長澗水注之水南出太華之山側長城東而北流注于渭水史記秦孝公元年楚魏與秦接界魏築長城自鄭濱洛者也又東過華陰縣北

洛水入焉闕駟以爲漆沮之水焉曹瞞傳曰操與馬超隔渭水每渡渭輒爲超騎所衝突地多沙不水經注

卷十九

二十

可築城婁子伯說今寒可起沙爲城以水灌之一宿而成操乃多作縑囊以堙水夜汲作城立於是水之次也渭水逕縣故城北春秋之陰晉也秦惠文王五年改曰寧秦漢高帝八年更名華陰王莽之華疆也縣有華山山海經曰其高五千仞削成而四方遠而望之又若華狀西南有小華山也韓子曰秦昭王令工施鈎梯上華山以節一作松栢之心爲博箭長八尺棋長八寸而勒之曰昭王常與天神博於是神仙傳曰中山衛叔卿嘗乘雲車駕

鐘云漢武雄主至求仙則庸手也

朱云將臣之癡悔又癡令其子追之又癡咄咄茂陵劉郎信非仙才也

譚云每於金石創制著古人精神用意不混  
朱云凡古碑多不書書人

皆自書也甚至自刊之大都古人道藝入神故沾沾白好如此鍾元口刻受禪表李北海寓口黃仙鶴之類是也

白鹿見漢武帝帝將臣之叔卿不言而去武帝悔	求得其子度世令追其父度世登華見父與數人	博於石上勅度世令還山山層雲秀故能懷靈抱	異耳山上有二泉東西分流至若山雨滂湃洪津	泛灑挂溜騰虛直瀉山下有漢魏文帝三 <small>宋二本廟</small>	廟有石闕數碑一碑是建安中立漢鎮遠將軍段	煨更修祠堂碑文漢給事黃門侍郎張景造景自	書之元帝又刊其二十餘字二書有 <small>宋本</small> 重名於	海內又刊侍中司隸校尉鍾繇弘農太守田丘儉	水經注 <span style="display: inline-block; width: 1em; height: 1em; border: 1px solid black; margin-right: 0.5em;"></span> 卷十九 二十一	姓名廣六行鬱然循平是太康八年弘農太守河	東衛叔始為華陰令河東裴仲恂役其逸力修立	壇廟夾道樹栢迄于山陰事見永興元年華百石	所造碑渭水又東沙渠水注之水出南山北流西	北入長安城城自華山北逕于河華嶽銘曰秦晉	爭其祠立城建其左者也郭著述征記指證魏之	立長城長城在後不得言在斯為非矣渠水又北	注入渭渭水又東逕定城北西征記曰城因原土	述征記曰定城去潼關三十里夾道各一城渭水
---------------------	---------------------	---------------------	---------------------	--------------------------------------	---------------------	---------------------	--------------------------------------	---------------------	---	---------------------	---------------------	---------------------	---------------------	---------------------	---------------------	---------------------	---------------------	---------------------

譚云若用藍  
金必受笑  
矣

云阿房  
與書同  
一  
一

水經注

卷十九

二十二

又東泥泉水注之水出南山靈谷而泉北流注于渭水也渭水又東合沙溝水水即符愚之水也南出符石逕新豐縣故城北東與魚池水會水出麗山東也水本導源東一作北流後秦始皇葬於山北水過而曲行東注北轉始皇造陵取土其地汙深水積成池謂之魚池池在秦皇陵東北五里周圍四里池水西北流逕始皇冢北秦始皇大興厚葬營建冢壙於麗戎之山一名藍田其陰多金其陽多玉始皇貪其美名因而葬焉斬山鑿石下涸三水

泉以銅為槲旁行周迴三十餘里上畫天文星宿之象下以水銀為四瀆百川五嶽九州具地理之勢宮觀百官奇器珍寶充滿其中令匠作機弩有所穿近輒射之以人魚膏為燈燭取其不滅者久之後宮無子者皆使殉葬甚眾墳高五丈周迴五里餘作者七十萬人積年方成而周章百萬之師已至其下乃使章邯領作者以禦難弗能禁項羽入關以三十萬人三十日運物不能窮關東盜賊銷槲取銅牧人尋羊燒之火延九十日不能滅北

□云□能消  
□此泉水皆  
□耶是神女  
唾不愈瘡而  
□生瘡示始  
皇以禍水也

譚云將見項  
羽下有脫誤

譚云此文中  
□□法也

對鴻門十里池水又西北流水之西南有溫泉世  
以療疾三秦記曰麗山西北有溫水祭則得入不  
祭則爛人肉俗云始皇與神女唾之生瘡始皇謝  
之神女爲出溫水後人因以澆洗瘡張衡溫泉賦  
序曰余出麗山觀溫泉浴神井嘉洪澤之普施乃  
爲之賦云此湯也不使灼人形體矣池水又逕鴻  
門西又逕新豐縣故城東故麗戎地也高祖王關  
中太上皇思東歸故象舊里制茲新邑立城社樹  
枌榆令街庭若一分置豐民以實茲邑故名之爲  
水經注

卷十九

二十三

新豐也漢靈帝建寧三年改爲都鄉封段熲爲侯  
國後立陰槃城其水際北城世謂是水爲陰槃水  
又北絕漕槃溝注于渭渭水又東逕鴻門北舊大  
道北下坂下坂名也古有鴻寧漢書高祖將見項  
羽楚漢春秋曰項王在鴻門亞父曰吾使人望沛  
公其氣衝天五色相繆或似龍或似雲非人臣之  
相可誅之漢高祖會項羽范增目羽羽不應樊噲  
杖盾撞人入食豕肩於此羽壯之郡國志曰新豐  
縣東有鴻門亭者也郭緣生或云霸城南門曰鴻

門也項羽將因會高祖

宋本無高祖二字

高

危高祖羽仁而

弗斷范增謀而不納項伯終護高祖以獲免既抵  
霸上遂封漢王按漢書注鴻門在新豐東十七里  
則霸上應百里按史記項伯夜馳告張良良與俱  
見高祖仍使夜返考其道里不容得爾今父老傳  
在霸城南門數十里於理爲得按緣生此記雖歷  
覽史漢述行涂經見可謂學而不思矣今新豐縣  
故城東三里有坂長二里餘塹原通道南北洞開  
有同門狀謂之鴻門孟康言在新豐東十七里無

水經注

卷十九

二十四

之蓋指縣治而言非謂地也自新豐故城西至霸  
城五十里霸城西十里則霸水西二十里則長安  
城應劭曰霸水上地名在長安東二十里卽霸城  
是也高祖舊停軍處東去新豐旣遠何由項伯夜  
與張良共見高祖乎推此言之知緣生此記乖矣  
渭水又東石川水南注焉渭水又東戲水注之水  
出麗山馮公谷東北流又北逕麗戎城東春秋晉  
獻公五年伐之獲麗姬於是邑麗戎男國也姬姓  
秦之麗邑矣又北右總三川逕鴻門東又北逕戲

譚云駁語不  
口又見

亭東應劭曰戲弘農湖縣西界也地隔諸縣不得  
爲湖湖西而北一里卽李夫人冢冢形三成世謂  
之菟陵□作萊陵夫人兄延年知音尤善歌舞帝愛之  
每爲新聲變曲聞者莫不感動常侍上起舞歌曰  
北方有佳人絕世而獨立一顧傾人城再顧傾人  
國寧不知傾城與傾國佳人難再得上曰世豈有  
此人乎平陽王曰延年女弟上召見之妖麗善歌  
舞得幸早卒上憫念之以厚禮葬悲思不已賦詩  
悼傷故渠箋注謂此故渠篇內不見張本疑有脫誤然觀前渭水又逕長安城北注□歷

水經注

卷十九

二十五

舉故渠疑此至分尊卑之名又東逕茂陵縣故城

南武帝建元二年置地理志曰宣帝縣焉王莽之  
宣成也故渠又東逕龍泉北今人謂之溫泉非也  
渠北故坂此卽龍淵廟如淳曰三輔黃圖有龍淵  
宮今長安城西有其處黃蓋宮之遺也宋本處上  
衍字故渠又東逕姜原北渠北有漢昭帝平陵東南  
去長安七十里又東逕平陵縣故城南地理志曰  
昭帝置王莽之廣利也故渠之南有竇氏泉北有  
□徊廟又東逕漢大將軍魏其侯竇嬰冢南又成

□□古廟字  
□□字訛  
□倒□□

□云□入此  
□□問知古  
□□書考究  
皆有牆壁

帝延陵南陵之東北五里卽平帝康陵坂也故渠  
又東逕渭陵元帝永元四年以渭城壽陵亭原上  
爲初陵詔不立縣邑又東逕哀帝義陵南又逕惠  
帝安陵南陵北有安陵縣故城也地理志曰惠帝  
置王莽之嘉平也渠側有杜郵亭又東逕渭城北  
地理志曰縣有蘭池宮秦始皇微行逢盜於蘭池  
今不知所在也又東逕長陵南亦曰長山也三秦  
記曰長安城北有平原廣數百里民井汲巢居井  
深五十丈秦名天子冢曰山漢曰陵故通曰山陵

水經注

卷十九

二十六

矣風俗通曰陵者天生自然者也今王公墳壠稱  
陵春秋左傳曰南陵夏后臯之墓也春秋說題辭  
曰丘者墓也冢者種也種墓也羅倚於山分卑尊  
之名者也渭水又東逕下邳縣故城南秦伐邳置  
邳戎於此有上邳故加下也渭水又東與竹水合  
南出竹山北逕郿加谷歷廣鄉原東俗謂之大赤  
水北流注于渭渭水又東得白渠口大始二年趙  
國中大夫白公奏穿渠引涇水口起谷口出於鄭  
渠南名曰白渠民歌之曰田於何所池陽谷口鄭

譚云龜言如  
真夢中解更

□此文字於  
無要緊著意  
處

國在前。白渠在後。卽水所治也。東逕宜春城南。又  
東南逕池陽城北。枝瀆出焉。東南逕藕原下。逕鄣  
縣故城北。東南入渭。今無水。白渠又東。枝渠出焉。  
東南逕高陵縣故城北。地理志曰：左輔都尉治王  
莽之千春也。太康地記謂之曰高陸也。車頻秦書  
曰：苻堅建元十二年，高陸縣民穿井，得龜大二尺  
六寸，背文負八卦古字，堅以石爲池，養之十六年  
而死，取其骨以問吉凶，名爲客龜。大卜佐高夢客  
龜言：我將歸江南，不遇死於秦。曾宋本作高於夢中自  
水經注 卷十九 二十七

解曰：龜三萬六千歲而終，終必亡國之徵也。爲謝  
玄破於淮肥，自縊新城浮圖中。秦祚因卽淪矣。又  
東逕櫟陽城北。史記秦獻公二年，城櫟陽，自雍徙  
居之十八年，雨金於是處也。項羽以封司馬欣爲  
塞王。按漢書高帝關中始都之王莽之師高也。後  
漢建武二年，封驃騎大將軍景丹爲侯國。丹讓世  
祖曰：富貴不還故鄉，如衣錦夜行，故以封卿。白渠  
又東逕秦孝公陵北。又東南逕居陵城北。蓮芍城  
南。又東注金氏陂。又東南注于渭。故漢書溝洫志

曰渠首起谷口尾入櫟陽是也今無水故渠又東  
逕漢丞相周勃塚南北有弱夫冢弱夫當作亞夫故渠東  
南謂之周氏曲又東南逕漢景帝陵南又東南注  
于渭今無水渭水又東逕霸縣北與高陵分水水  
南有定陶恭王廟傅太后陵元帝崩傅昭儀隨王  
歸國稱定陶太后後十年恭王薨子代爲王徵爲  
太子太子卽帝位立恭王寢廟于京師比宣帝父  
悼皇故事元壽元年傅后崩合葬渭陵潘岳關中  
記漢帝后同塋則爲合葬不共陵也諸侯皆如之

水經注

卷十九

二十八

恭王廟在霸城西北廟西北卽傅太后陵不典元  
帝同塋渭陵非謂元帝陵也蓋在渭水之南故曰  
渭陵也陵與元帝齊者謂同十二丈也王莽奏毀  
傅太后塚塚崩壓殺數百人開棺梟聞數月公卿  
在位皆阿莽旨入錢帛遣子弟及諸生四夷凡十  
餘萬人操持作具助將作掘傅后塚二旬皆平周  
棘其處以爲世戒今其處積土猶高世謂之增墀  
又亦謂之增阜俗亦謂之成帝初陵處所未詳也  
渭水又逕平阿侯王譚墓北塚次有碑左則涇水

注之渭水又東逕鄠縣西蓋隴西郡之鄠徙也渭水又東得白渠枝口又東與五丈渠合水出雲陽縣石門山謂之清水東南流逕黃嶽山西又南入棣羽縣歷原南出謂之清水口東南流絕鄭渠又東南入高陵縣逕黃白城西本曲梁宮也南絕白渠屈而東流謂之曲梁水又東南逕高陵縣故城北東南絕白渠瀆又東南入萬年縣謂之五丈渠又逕藕原東東南流注于渭水

又東過霸陵縣北霸水從縣西北流注之

水經注

卷十九

二十九

霸水者上地名也古曰滋水矣秦穆公霸世更名滋水爲霸水以顯霸功水出藍田縣藍田谷所謂多玉者也西北有銅公水次東有輕谷水二水合而西注之又西流入渥水渥水又西逕嶢關北歷柳嶢城東西有二城魏置清渥軍於城內世亦謂之清渥城也秦二世三年漢祖入自武關攻秦趙高遣將距於嶢關者也土地記曰藍田縣南有嶢關地名嶢柳道通荊州晉地道記曰關當上洛縣西北渥水又西北流入霸霸水又北歷藍田川逕

譚云馬塚燕  
□人因物傳

藍田縣也竹書紀年梁惠王三年秦子向命爲藍  
君蓋子向之故邑也川有漢臨江王榮冢景帝以  
罪徵之將行祖於江陵北門車軸拆老父泣曰吾  
王不反矣榮至中尉郅都急切責王王年少恐而  
自殺葬於是川有鷲數萬銜土置冢上百姓矜之  
霸水又左合滄水歷白鹿原東卽霸川之西故芷  
陽矣史記秦襄王葬芷陽者也是謂之霸上漢文  
帝葬其上謂之霸陵上有四出道以瀉水在長安  
東南三十里故王仲宣賦詩云南登霸陵岸迴首

水經注

卷十九

三十

望長安漢文帝嘗欲從霸西馳下峻坂袁盎攬轡  
於此處上曰將軍怯也盎曰臣聞千金之子坐不  
垂堂百金之子立不倚衡聖人不乘危今馳不測  
如馬驚車敗柰高廟何上乃止霸水又北長水注  
之水出杜縣白鹿源其水西北流謂之荆谿一疑脫  
字谿水又西北左合狗枷川水水有二源西川上  
承碓山之斫槃谷次東有苦谷二水合而東北流  
逕□涼原西關中圖曰麗山之西川中有阜名曰  
風涼原在碓山之陰雍州之福地卽是原其水傍

谿北注原上有漢武帝祠其水右合東川水出南山之石門谷孟谷次東有大谷次東有雀谷東有土門谷五水北谷西北歷風涼原東又北與西川會原爲二水之會亂流北逕宣帝許后陵東而北去杜陵十里斯川於是有狗枷之名川東亦曰白鹿原也上有狗枷堡三秦記曰麗山西有白鹿原原上有狗枷堡秦襄公時有大狗來下有賊則狗吠之故一堡無患故川得厥目焉川水又北逕杜陵東元帝初元元年葬宣帝杜陵北去長安五十

水經注

卷十九

三十一

里陵之西北有杜縣故城秦武公十一年縣之漢宣帝元康元年以杜東原上爲初陵更名杜縣爲杜陵也王莽之饒安也其水又北注荆谿荆谿水又北入霸縣孫云疑作霸水又有溫泉入焉水發自原下入荆谿水亂流注于霸俗謂之漚水非也史記音義文帝出安門注云在霸陵縣有故亭卽郡國志所謂長門亭也史記云霸漚長水也雖不在祠典以近咸陽秦漢都涇渭長水盡得比大川之禮昔又帝居霸陵北臨厠指新豐路示慎夫人曰此走

譚云文帝薄  
葬當感此語

邯鄲道也因使慎夫人鼓瑟上自倚瑟而歌悽愴  
悲懷顧謂羣臣曰以北山石爲槨用紵絮斲陳漆  
其間豈可動哉釋之曰使其中有可欲雖錮南山  
猶有隕使無可欲雖無石郭又何戚焉文帝曰善  
拜廷尉韋昭曰高岷夾水爲厠今斯原夾二水也

此後皆厠門續此事舊本錯 霸水又北會兩川又北

故源左出焉霸水又北逕王莽九廟南王莽地皇  
元年博徵天下工匠壞撤西苑建章諸宮館十餘  
所取材瓦以起九廟竿及吏民以義入錢穀助成

水經注

卷十九

三十二

九廟廟殿皆重屋太初祖廟東西南北各四十丈  
高十丈餘廟半之爲銅薄櫨飾以金銀雕文窮  
極百工之巧禡高增下功費數百巨萬卒死者萬  
數霸水又北逕枳道在長安縣東十三里王莽九  
廟在其南漢世有白鷺羣飛自東都門過于枳道  
呂后祓除於霸上還見倉狗戟脅於斯道也水上  
有橋謂之霸橋地皇三年霸橋木災自東起卒數  
千以水汎沃救不滅晨爇夕盡王莽惡之下書曰  
甲午火橋乙未立春之口也予以神明三年終冬

譚云大話可  
醜此人乃戲  
劇大淨也

絕滅霸駁之橋欲以興成新室統一長存之道其名霸爲長存橋霸水之宋本作又本北左納漕渠絕霸右出焉東逕霸城北又東逕子楚陵北皇甫謐曰秦莊王葬于芒蕩之麗山京兆東南霸陵山劉向曰莊王大其名立墳者也戰國策曰莊王字異人更名子楚故世人猶以子楚名陵文東逕新豐縣右會故渠上承霸水東北逕霸縣故城南漢文帝之霸陵漢縣也王莽更之曰水章魏文帝黃初元年徙長安金狄重不可致因留霸城南人有見薊子

水經注

卷十九

三十三

訓與父老其摩銅人曰正見鑄此時計其日似近五百年矣故渠又東北逕劉更始冢西更始二年爲赤眉所殺故侍中劉恭夜徃取一作收而埋之光武使司徒鄧禹收葬於霸陵縣更始尚書僕射行大將軍事鮑永持節安集河東聞更始死歸世祖累遷司隸校尉行縣逕更始墓遂下拜哭盡哀而去帝問公卿太中大夫張湛曰仁不遺舊忠不忘君行之高者帝乃釋之又東北逕新豐縣又合漕渠漢大司農鄭當時所開也以渭難漕命齊水工

譚云曰爛爛如巖下虎朱亥之謂也

□□失勢二字可笑譚云為君猶是恃勢可憐

鍾□□□之

徐伯乃發卒穿渠引渭。□源自昆明池南，傍山原東至于河，且田且漕。大以為便，今霸水又北逕秦虎圈，東列士傳曰：秦昭王會魏玉，魏王不行，使朱亥奉璧一雙，秦王大怒，置朱亥虎圈中，亥瞋目視虎，皆裂血出。濺舊本作踐虎，虎不敢動，即是處也。霸水又北入于渭水，渭水又東會成國故渠。渠，魏尚書左僕射衛臻征蜀所開也。號成國渠，引以澆故田。其瀆上承汧水於陳倉，東逕郿及武功，槐里縣北。渠左有安定梁巖豕碑碣，尚存。逕漢武帝茂陵水經注

卷十九

三十四

南故槐里之茂鄉也。應劭曰：武帝自為陵在長安西北八十餘里。漢武帝故事曰：帝崩後，見形謂陵令薛平曰：吾雖失勢，猶為汝君。奈何令吏卒上吾陵磨刀劍乎？自今以後，可禁之。平頓首謝，因不見。推問陵傍，果有方石，可以為礪。吏卒常盜磨刀劍。霍光欲斬之，張安世曰：神道茫昧，不宜為法。乃止。故阮公詠懷詩曰：失勢在須臾，帶劍上吾丘。陵之南故渠又北分為二渠，東逕虎圈南而東入霸，一水北合渭，今無水。

東入于河

春秋之渭汭也左傳閔公三年虢公敗犬戎于渭

隊左傳作服虔曰隊謂汭也杜預曰水之隈曲曰

汭王肅云汭入也呂忱云汭者水相入也水會即

船司空所在矣地理志曰渭水東至船司空入河

服虔曰縣名都官三輔黃圖有船庫官後改爲縣

王莽之船利者也

水經注卷十九

水經注

卷十九

三十五

譚云船司空  
口庫官名奇